

## HÜÖWELSPÄÖNE

Chapeau für ein Wagnis besonderer Art!

# 460 Flietkärtkes für 'n Maschinenbau-Dokter

**G**uonsdag ston't al haugdüütsk in't Blad, dat en Wördebook frisk haruutkuomen is för Mensken, we bi 'ne besunnere Geliägenheit (tom Bispiël 'ne Kinddöpe, en Jubiläum, 'ne Sülwerhochtid, en runnen Geburtsdag) platdüütsk Riemsels maken möchen orre müetet un vlicht up dat pössige Word för'n Riem jüst nu, wao't hännig gaohn mot, pattu nich kuomt. Mag sien un Ji häört auk bi düsse Suorte potentielle platdüütske Dichterslüde.

Män nu gif't Hölpe: För Nederdüütske, we met so'n Problem to fechten häbt, hät en Dokter uut Riesenbiäk - niäbenbi: Dao kuomt auk Ludger Beerbaum und de emeriteerde Buernpräsident Heereman weg - in sien platdüütske Spraoklabor met jaohrelange, unüeselflietige Arbeit 'ne Medßin bineneprempelt, de't in sik hät:

In en dik Book up 460 Sieten küönt Ji rieklük finnen, wat Ju feihlt. Wan Ji tom Bispiël för de Kombination -at an't Wordenne

en Riemword bruukt, gif't bolle tweehunnerd Vüörsliäge. Hier män en paar daovan: Aalfat (Jauchefass), apat (aber), Biesterpat (Irrweg), Bruutschat (Brautschatz), Gat (Loch), glat, kladdernat, pikswat (pechschwarz), sat (genug), ümgekat.

Van de bolle 140 Vüörsliäge för -iär nööm ik äs: Baustiär (Baustelle), Dauwiär (Tauwetter), Friär (Frieden), Smiär (Schmiere), ächterhiär, Swiär (Geschwür), Biär (Birne), un van guäd 70 för de Kombination -iewt no gau: bliewt (bleibt), driewt (treibt), schriewt (schreibt), riewt (reibt), stiewt (stärkt, versteift).

Wan Ji nu apat met Jue Plat tom Bispiël in Bailen (Beelen), in Gütsel (Güters-

loh), in Ranstrop (Ramsdorf) of in Aulen (Ahlen) upjungd sind, is't waohrschienlik, dat Ji äs Saken nich findt, ümdat jä üöweral en lük anners küert un schriewen wärd. Dan müet't Ji simmeneren un kombinieren.

Wil dat nix batten, hier

ANZEIGE



**Bäckerei  
Tollkötter**

**Das sollten Sie wissen:**

Tollkötter verkauft nur Brot, Brötchen und Kuchen, die in Tollkötters Backstube hergestellt werden.

mien Raod: kreativ sien. Üöwrigens: Wan Ji moderne Dichters sind, we för Lyrik kiene Riemsels bruukt, of wan't Ju langwielig is, küönt Ji auk eenfak so in Dr. Klaus-Werner Kahls Riemwördebook - Aschendorff hät et maakt - harümsnüfeln un wärdt no klöker, äs Ji nu al sind. - Düer? Awat! Kost't weniger äs 3 Kisten Pils. Män hölt länger.

**Hannes Demming**

| [www.wn.de/plattdeutsch](http://www.wn.de/plattdeutsch)

### Wörde

Flietkärtkes: Fleißkärtchen; bineneprempeln: sorgfältig zusammenstellen; upjungen: aufwachsen; simmeneren: überlegen; batten: helfen